

salis hæredis incumbit etiam universalis æris alieni solutio: per verba: doch also das überlebend Ehegemächt alle des verstorbenen Ehegemächts Schulden zu bezahlen schuldig: Et in hoc concordat cum Jure Civili communi, vi cuius Hæres habetur cum defuncto pro eadem persona. Nov. 48. in præfat. l. 45. ff. de adquir. vel omittend. hæred. l. 193. ff. de R. f. Et succedit in omnia jura in hæreditate reperta quæ Defunctus habuit. l. 37. ff. de acquir. vel omitt. hæred. utpote quæ ejus morte non sunt extincta. l. 196. ff. de R. f. Obligatur ergo omnibus Creditoribus hæreditariis ex omnibus causis ex quibus obligatus fuit Defunctus. l. 8. ff. de adquir. vel omittend. hæred. l. 10. c. de jure delib. Quod quotidiani expediti iuris est. Majori autem laborat resolvendi difficultate, quatenus & in quantum Conjux Esslingensis pro altero Conjugi, non ut hæres, sed ut socius Conjugalis ratione æris alieni tempore <sup>An & ut socius bonorum.</sup> conjugii contracto, teneatur; Quam litem nostram facere non intendimus, sed potius abstrahendo à Jure Civili communi, quo Conjugum alter pro altero non tenetur. l. 4. Cod. ne Uxor pro Marit. l. 1. Cod. ad L. Jul. de vi publ. Besold. part. 3. consil. 92. n. 23. & seqq. Responso Amplissimæ Facultatis Juridicæ Tübingensis ad instantiam Ipsius Imperialis Esslingæ in anno 1697. die Junij dato ex amore Justitiæ lubenter subscriimus, quod scil. & hic Esslingæ inter Conjuges sit societas quædam bonorum Conjugalium, tūm propter generalem Germaniæ consuetudinem, tūm quod finitimæ provinciæ præcipue Ducatus Würtembergicus hujusmodi societatem etiam agnoscat, à quibus Vicinam Civitatem Imperialem Esslingam nihil dissimile voluisse haud obscure conjecturare licebit. Cum ex vicino-